

آبونه شرائطی

داخلی، خارجی، هریرایچون
سنه لکی (۲۵۰)، آلتی آیلنی

(۱۳۰) غروشدر .

نسخه سی ۵ غروش،

سنه لکی ۵۲ نسخه در

اداره خانه

باب عالی جاده سنده دائرة مخصوصه

اخطارات

آبونه بدلی پمیدر

مسلكه موافق آثار مع المهنویه

قبول اولنوز . درج ایدلهین

یازیلر اعاده اولونماز

والله یهدی من یشاء الی صراط مستقیم

محمد عاكف

اشرف ادیب

اتبعون اهدكم سبیل الرشاد

سرایان

سرایان

دینی، فلسفی، عامی، ادبی، سیاسی هفته لقی مجموعه اسلامیة در

صاحب و مدیر مسئول

باش محرر

اخطارات

ادرس تبدیلنده آبرجه بش

غروش کوندرملیدر

مکتوبلارک اضالری واضح

واوقوناقلی اولسی و آبونه صره

نومروسی محتوی بولسی

لازمدر

ممالک ایشیه ایچون آبونه اولانلرک

آدرسلرینک فرانسوزجه ده یازلسی

رجا اولنوز

باره کوندردیک زمان نهیه دائر

اولدانی واضحاً بیله یرلسی

رجا اولنوز

تعیین ایدلیدیکی، سولشردر، بزمه قالیرسه شیخ الاسلام افندی حضرتلری مطبوعاتی تتبع ایتک خصوصتی محلی مطبوعاته حضر ایتدیرمیه رک غریبک علمی ویومی مطبوعاتنه ده تشمیل بیورلسه و دینیز حقنده یازیلان شیرله اک صلاحیتدار مقام رسمی اسلامی اولان مقام مشیخت علیان کونی کوننه جوابلر ویریلسه یک بیوک برخدمت ایفا ایدلمش اولور.

وئانه حیاتی بیهرق انقراضمزی تعجیل ایچون اللرندن کلن هر غیرتی صرف ایدیورلردی، بوتون بو متجاوزلرک یکانه سرما- یلری حیاسزلقدرد. بونلرک ذره قدر بضاعه علمیه لری؟ اولسه واوریه علمی قناعتلری قوش اولسه لر برشی دینه مزیدی. علمه قارشی علمله مقابله ایتیهی بزمه بیلیرز. بزم هیچ بر تعرض علمیدن بروامز یوقدر. بالعکس مناقشات علمیه دائماً احکام دینه مزی تحکیم ایتکدن بشقه بر عمره ویرمز. فقط بونلر اولیه دکل. معناسی آکلامادن دیلرینه طولادقلری «عصریلک» کلمه سندن کندی هوس ضلالتلری تطمین ایدمک معانی استخراج ایدرک ملت اسلامیه تک نظام اجتماع عیسی محافظه ایدن اساسات واحکامه وار قوتلریله صالیدریدلر. بویوده اولان برجماعت خاسرهیه علمیدن بحث ایتک، حقایق اسلامیه بی بسط ایتک هیچ بر فائده ویرمزیدی. دنیانک هر طرفنده مباحثات علمیه مقبول، فقط اولو اورتی تجاوزلر مدخول و محقردر. بوکی اک ابتدائی قواعد تربیه یه بیله واقف اولیان بر طاقم اشرایه قارشی قوانین عائدیهی تطبیق ایتک مملکتک نظام اجتماع عیسی محافظه و صیانت نامنه یاپیله حق اک مهم وظیفه ایدی. مع الاسف صوک سنه لرده اولیای امور مز بو وظیفه لری، حتی بیله بیله، اهمال ایدیورلردی. چونکه اولورده کندیلری انقلاب اجتماعی قهرمانلردن عدایده جک و انقلاب اجتماعینک فضیلتدن رذیله ایتکله تحقیق ایتدیکنی ظن ایدمک قدر فکر آ مترددی ایدیلر. مملکتک مقدرات اجتماعیه و اخلاقیه سی بویله بر طاقم در بدرلرک دست فسادینه براققله بو کون کمال تأثرله مشاهده ایتدیکنمز انحطاط اخلاقییه دوشدک. بوکا قارشی طور مق و مملکتک نظام اجتماعی و اخلاقیه سی محافظه ایتک، خلقک حقوق مقدسه دینه سنه رعایت ایتک زمانی چوقدن حلول ایتشدرد.

خلافتبنده افندمز حضرتلری حکومت سینه لری بومهم، بومعظم وظیفه بی کمال اهمیتله ذریش ایدرک اوکا کوره چالشمسینی بودفعه استانبول غزنه سنک تجاوزاتنه اطلاع بویوردقن صکره اصدار ایتدکلری فرمان هایونلریله ایضاح بویوزمشلردر.

بوندن بویله حکومت سینه تک بو وظیفه سی لایققله تقدیر ایتدیکنی آناز فعلیه سیله کوسترمه سی تمی ایدرز.

بیانات حضرت مشیختنهای

شیخ الاسلام حیدری زاده ابراهیم افندی حضرتلری اقدام غازییه «استانبول غزنه سنک دین مین اسلامه دوغروندن دوغرویه تجاوز قیلقلی نشریاتی منظور عالی خلافتبنهای بویورولتجه نشریات مذکورمک تزدشاهانه ده تأیید و تأسی موجب اولدیفندن بوکی جرأتکارانه نشریات و تجاوزاته قارشی اوامر شدید اصدار» ایدلیدیکنی بیان ایتدکدن- صکره «مشیخت علیایی علاقه دار ایدن مسائل دینه حقنده مطبوعاتک نشریاتی کونی کوننه تعقیب ایتک اوزره دارالحکمه دن برما مور مسئول

بناء علیه بوتکلیفمز شیخ الاسلام افندی حضرتلرنجه قبول ایدیلیرسه برچوق مسائل اسلامیه حقنده شایع اولان سوء تفهیملرک ازاله سی یولنده یک مهم و عمره دار برایش کورولمش اولور.

شیخ الاسلام افندی حضرتلری غزنه لرک تدقیق ایچون مأمور مشول تعیین ایدلیدیکنی بیان ایتدکدن صکره «طقوز اعضادن متشکل اولان دارالحکمه الاسلامیه تک اوچ غرویه تفریققله هر هفته بر غروپک مسائل دینه حقنده نشریات و تنویراتده بولنه جنی، و تنظیم ایلله جکی مقالاتک هیئت عمومی طرفیدن توسیع ایدیلرک وعظ صورتنده آیاصوفیه، سلطان احمد، یازید و فاتح جامع شریفلرنده خلقه تبلیغ اولنه جققی» بیان بیورمشلردر.

بز، وعظ و ارشاد خصوصتک ده دارالحکمه الاسلامیه اعضاسنه حضر ایدیلله مسنی تمی ایدرز. مملکتیزده طائمش اکابر علمانک ده بو وظیفه اساسیه بی ایفایه دعوت اولنلاری تمی ایدرز. بالخاصه اعطا اولنه حق مواعظک انحطاط اخلاقییزه، سقوط اجتماعیزه دواساز اوله جق بر صورتده تبلیغ اولنه جققی؛ خلقی بر طاقم اهماللردن، تسبیلردن طولای لوم و تعنیف و بونلردن طولای دوشدیکی غیادن دهادر غیارله دوشه جکنی بیان ایدرک اساساً معلول یأس اولان منویتلری دهادر قارا کلکلاشدیره جق بر ماهیتده اولیه جققی بدیهیدر. هر حالده بو جریان ارشادک تعمیمی و بناء علیه کافه ارباب اهلیتک بو وظیفه بی ایفایه دعوت اولنلاری تکرار تمی ایدرز.

دارالحکمه تک بیاننامه سی

دارالحکمه الاسلامیه دن:

عناصر اسلامیه بی، عینی عنصره منسوب افراد مسلمیه بی بر بریته باغلایان ازلی رابطه تک جبل متین اسلامدن باشقه برشی اولمدیفنی

و بوندن بویله ده اوله میه جغنی زمان بزم لسان حادثات ایله تکرار تکرار
 اخطار ایدوب طوور کن مع الاسف مطلوب اولان انتباهک حصولی
 هنوز مشاهده ایدیلمیور . دوشونیلیمور که بوقید وحدته ایراث خال
 ایداییکی آنده اونک بر آله ده بولندیردینی افراد امت شیرازمی قویش
 بر کتابک صوائف پراکنده سی کبی در حال طاعیلوب آیاقلر آلتندقالیر .
 عقول سلیحه اصحابک هرشیدن اول دوشونه جکی جهت بر طرفدن
 منسوب اولدینی هیأت اجتماعیه تک افرادی آرمه سنده موجود اسباب
 تسندی تأییده و دیگر طرفدن یکی یکی وسائل وحدت احتضارینه
 منحصر اولسی لازم کلیر کن (ترکیه استانبول) غزته شک ۶ تشرین
 ثانی سنه ۱۳۳۵ تاریخلی نسخه سنده کوکب فاخر امضا سیله یازیلان
 و صاخبک احکام اسلامییه و بوا حکامک استناد ایتدیکی اساسات علمییه
 وقوفنزلتی و بالتیجه عقیده سنده کی فساد کی کوسترن خاطره ده اولدینی
 وجهله دین مبین کبی ذاتاً موجود اولان و تأیید الهی ایله مؤید بولنان
 بر رابطه قدسیه بی توهینه تصدی ایتک حوصله عقل وادیه صیغمایان
 بر تجاوز شنیدر .

قالدی که ملتک حقوق اساسیه سی کافل اولان قانون اساسیده مصرح
 بولندینی وجهله دولت عثمانیه تک مبنای موجودیتی اولان دین اسلامک
 حمایه و محافظه سی باشلرنده خلیفه معظملری بولنان رئیس حکومتلری
 اولدینی خالده بتون هیأت اجتماعیه تک عهده سنده متحتم بروطفه مقدسه در .
 بنابرین دین مبینه وقوع بوله حق هر هانکی بر تجاوز ، ملتک کرک شرع
 شریف و کرک قانون اساسی ایله مؤید بولنان حقوق مقدسه سنده قارشی
 ایقاع ایدلمش اک بیوک بر جرم اولدینی کبی متجاسری حقننده تعقیبات
 قانونیه اجرایی قوه اجراییه تک اک مهم واک مستعجل وظیفه سیدر .

~~~~~

«سوریه عربیه»

۱- تشرین ثانی تاریخلی (تان) غزته سندن :

امیر فیصلک صباح غزته لرندن برینه واقع اولان بیاناتی محتاج  
 تصحیحدر . فی الحقیقه مومی ایله سوریه تک تخلیه سی حقننده انکلتزه  
 ایله فرانسه آرمه سنده عقد ایدیلن ائتلافک ، انکلتزه تک عربلره قارشی  
 ایتدیکی تعهداته منافی اولدینی احساس ایدیور و دیمک ایستیور که :

۱- ساحل حوالیسی ده داخل اولق اوزره بوتون سوریه  
 عربدر . بو حوالییه سیر ( ماق ماهون ) ( ۱۹۱۵ ) تشرین ثانیسنده  
 استقلال وعد ایتشدر .

۲- امیر فیصل مذکور تعهدلره استناداً حکم و نفوذینک تکمیل  
 سوریه دن باشقا فلسطینه شامل اولدینی ادعا ایتکده در .

بو اعدالره جواب ویرمش اولق ایچون سیر ( ماق ماهون ) ک

۲۴ تشرین ثانی ۱۹۱۵ سنه سنده مکه شریفه کوندردیکی نوطه بی بوجه

آنی درج ایدیور :

«مرسین واسکندرون ایله شام ، حماء محض و حبلک غریبنده واقع

سوریه حوالیسی تمامیه عرب عد ایدیله میه جکندن ، تصور ایدیلن  
 حدودک خارجده بر اقله سایدر . عرب رؤسایسی ایله الیوم مرعی  
 معاهده لریمزی خالدار ایتیمک شرطیه بوتسدیلات داخلنده مذکور  
 حدودلر بوجه مقبول و معتبردر . بویوک بریتانیانک متفق فرانسه یه  
 ضرر ویرمه جاک صورتده سربسقی حرکاتی جاری اولان اقسام اراضی  
 اعتباریه ، انکلتزه حکومتی نامه تأمینات آیه ایله برابر مکتوبکزه  
 شو جوابی اعطایه مأذونم :

« انکلتزه ، شریف مکه طرفدن تکلیف ایدیلن حدودی شامل  
 اراضی داخلنده عربلرک استقلالنی تصدیق و تأیید ، یوقاریکی تسدیلاتک  
 قبولی شرطیه - مهیادر . »

بونوطه دن استخراج ایدیلدیکنه کوره ،

۱- انکلتزه ، صرف عربلر ایله مسکون حوالیدن یالکز  
 جبل لبنانی دکل ، فقط سوریه تک اسملری مذکور درت شهرک غریبنده کی  
 ساحل قسمی ده استثنا ایتشدر . بوقسمه انکلز عسکرینک تخلیه ایده جکی  
 ماوی منطقه اسمی ویریلکده در .

۲- فرانسه ایله انکلتزه حکومتلری کرک فلسطینده ، کرک  
 عربجه قونوشولان دیگر بر مملکتده ، شریف حسینک اوغلی امیر  
 فیصلک نفوذ شخصیه سی تأمین ایتکی تعهد ایتشلردر .

~~~~~

سبیل الرشاد مجموعه اسلامیه

سفیل و پریشان بر صورتده آیدین و حوالیسندن موقه آیریلغه مجبور
 قالان زوالی و بد بخت دین فردا شریک حال پرملالری جدأ شایان اندیشه در .
 قیثک عظیم طوفانلری ، برحم صغورلرک تأثیریه تیرمین و کوندن کونه قوه
 خیالین غائب ایدن بو بیچاره لرک حاله باقوبده آغلاماق غیر قابلدر . شیمدی یه
 قدر موسم صیف حسیه شدائد هوا و امراضدن مصون قالان و عمرلری نان
 و نعم ایچنده اصراره آیشمش بولنان اودن ، یوزددن ، اشیادن محروم زوالیلری
 موسم شتاک حولیله فردای سیاهک تحت تهدیدنده بولندقلرینی تصور ایدوبده
 متأثر اولماق ممکنمی ؟ مع التأسف قالوزیفرلرک تنویم ایدیچی صیجاقلری ایچنده
 بوکالان پای تختک منور صنفی بوجهندن پاک لاقید طاوورانیورلر . اشغال آلتنده
 اولمایان بوحوالی اهالیسی برطرفدن ملی وارلینی قولانق ، دیگر جهندن پاک
 الم لوحلر عرض ایدن هم جنسلیرنه معاونت ایچون بیه جک آککنی بیله فدادن
 چکینه دی . فقط دوشونملی که هر شیتک برحدی ، برغایه سی وار . دایانلیسیه جق
 آجی حسله متحسس اولدیغیز حالده یازدیغیز بوجیهفه فریادی غزته کزده نشر
 ایدیکز . وقوجه پای تحت خلقک نظر انصافی بوجهنلره ایصال ایدیکز . اگرکه
 واسع مقیاسده معاونت اولزسه سکسان بیک مسلمان محوه محکومدر . عاجلاً
 معاونت فعلیه لرینه انتظار ایلرز .

حرکات ملیه و ردالحاق هیئت آیدین

وحوالیسی هیئت مرکزیه رئیس

عمر لطفی